

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編。—北京:北京出版社,2005

ISBN 7-200-06020-8

I. 四… II. 四… III. 叢書—中國—古代  
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—三〇〇套

書號: ISBN 7-200-06020-8/K·655

定價: 人民幣伍萬肆仟圓

ISBN 7-200-06020-8



9 797200 060200

# 補編第六冊目次

南北史合注一百九十一卷(原缺卷一百七十二)(三)

[明]李清撰  
清乾隆鈔文淵閣四庫全書撤出本

……

南北史合注一百九十一卷（原缺卷一  
百七十二）（三）

〔明〕李清撰

清乾隆鈔文淵閣四庫全

書撤出本

故宮博物院圖書館

北京大學圖書館藏

欽定四庫全書

南北史合注卷九十

明 李清 撰

魏本紀第四

北史四

世宗宣武皇帝諱洛孝文皇帝第二子母高夫人初夢為日所逐避於林下日化為龍繞已數匝寤而驚悸遂有娠太和七年閏四月生於平城宮二十一年正月丙申立為皇太子二十三年四月丙午孝文帝崩丁巳太子

欽定四庫全書

南北史合注 卷九十

子即皇帝位大赦諒闇委政宰輔六月乙卯分遣侍臣巡行州郡問民疾苦考察守令黜陟幽明褒禮名賢戊辰追尊皇妣曰文昭皇后秋八月戊申遵遺詔孝文皇帝三夫人已下悉免歸家癸丑增宦臣位一級冬十月癸未鄧至國王象舒彭來朝丙戌謁長陵丁酉享太廟十一月幽州人王惠定聚眾反自稱明法皇帝刺史李肅捕斬之是歲州鎮十八水饑分遣使者開倉賑恤高麗國兩遣使朝貢

是歲齊主寶卷永元元年

景明元年春正月辛丑朔日有蝕之壬寅謁長陵乙巳大赦改元丁未齊豫州刺史裴叔業以壽春內屬二月戊戌復以彭城王勰為司徒齊將胡松李居士軍屯宛陳伯之水軍逼壽夏四月丙申司徒彭城王勰車騎將軍王肅大破之己亥皇弟桃薨五月甲寅北鎮饑遣兼侍楊播巡撫開倉賑恤六月丙子以司徒彭城王勰為大司馬秋七月己亥朔日有蝕之齊將陳伯之寇淮南

欽定四庫全書

南北史合注 卷九十

八月乙酉彭城王勰破伯之於肥口九月齊州人柳世明聚眾反冬十月丁卯朔謁長陵庚寅齊充二州討世明平之丁亥改授彭城王勰司徒錄尚書事十一月丁巳陽平王頤薨是歲州鎮十七大饑分遣使者開倉賑恤高麗吐谷渾等國並遣使朝貢二年春正月丙申朔謁長陵庚戌帝始親政遵遺詔聽司徒彭城王勰以王歸第進太尉咸陽王禧位太保以司空北海王詳為大將軍錄尚書事丁巳引見羣臣於

太極前殿告以覽政之意壬戌以太保咸陽王禧位太尉以大將軍廣陵王羽為司空分遣大使黜陟幽明二月庚午進宿衛之官位一級甲戌大赦三月乙未朔詔

以此年連有軍旅正調之外皆蠲罷辛亥詔尚書申明條制申下諸州刺史速清淹獄壬戌青齊徐兗四州大饑民死者萬餘口是月齊雍州刺史蕭衍奉其南康王

寶融為主東赴建業夏五月壬子廣陵王羽薨壬戌太保咸陽王禧謀反賜死六月丁亥考諸州刺史加以黜陟

秋七月癸巳朔日有蝕之乙巳柔然犯塞辛酉大赦九月丁酉發畿內夫五萬五千人築京師三百二十坊四旬罷己亥立皇后于氏乙卯免壽春營戶並隸揚州

冬十一月丙申以驃騎大將軍穆亮為司空丁酉以大將軍北海王詳為太傅領司徒壬寅改築圓丘於伊水之陽乙卯仍有事焉十二月齊直後張齊殺其主蕭寶卷以降蕭衍是歲高麗吐谷渾等國並遣使朝貢

是歲齊和帝中興元年

欽定四庫全書

南北史合注 卷九十

三年春二月戊寅以早故詔州郡掩骸骨三月齊建安王蕭寶融未奔夏四月詔撫軍將軍李崇討魯陽反蠻

齊主蕭寶融遜位於梁閏四月丁巳司空穆亮卒秋七月丁巳朔日有蝕之八月癸卯齊江州刺史陳伯之請

降丁卯以前太傅平陽公元丕為三老九月丁巳行幸鄴丁卯詔使者弔比干墓戊寅閱武於鄴南冬十月庚

子帝躬御弧矢射遠及一里五十步羣臣勒銘於射所甲辰車駕還宮

魏書載冬十有一月己卯詔京洛兵無歲踰十紀先皇定鼎舊都惟新魏歷剪掃遐荒創茲雲構鴻功茂績規模長遠今廟社及建宮極斯崇便當以來月中

旬蠲吉從御仰尋遺意感慶交衷既禮盛周宣斯干之制事高漢祖壯禮之儀可依典故備茲考古以稱遐邇人臣之望 魏書載冬十有二月戊子詔曰民

本農桑國重蠶藉染盛所憑冕織攸寄比京邑初基耕桑暫缺遺規往旨宜必祇修今寢殿顯成移御惟

是歲齊和帝中興元年

欽定四庫全書

南北史合注 卷九十

始春郊無遠拂羽有辰便可表營千畝開設宮壇秉  
耒授筐躬勸億兆

壬寅以太極前殿初成饗羣臣賜布帛有差是歲河州  
大饑死者二千餘口西域二十七國並遣使朝貢

是歲梁武帝天監元年

四年春正月乙亥親耕藉田三月己巳皇后先蠶於北  
郊四月癸未朔蕭寶夔為東揚州刺史封丹陽郡公齊

王庚寅南天竺國獻辟支佛雅戊戌為旱故命鞠寃獄

欽定四庫全書

南北朝合注  
卷九十

魏書載戊戌詔曰酷吏為禍綿古同患孝婦淫刑東

海隻壞今不雨上旬意者有寃獄乎尚書鞠京師見

因務盡聽察之理

己亥減膳徹懸辛丑澍雨大洽五月甲戌行梁州事揚

椿大破反氏六月壬午朔封皇帝悅為汝南王秋七月

乙卯三老平陽公元丕卒庚午詔復收鹽池利辛未以

彭城王勰為太師八月勿吉國貢楛矢冬十一月己未

封武興國世子楊紹先為武興王

正始元年春正月丙寅大赦改元夏五月丁未朔太傅  
北海王詳以罪廢為庶人六月以旱故徹樂減膳癸巳  
詔有修案舊典祇行六事

魏書載詔曰朕政刑多舛陽旱六旬京甸楛瘁在予  
之責有司可循案舊典祇行六事因園寬滯平處決  
之庶尹廢職重加修舉鰥寡困窮在所存恤役賦殷  
煩咸加蠲省賢良正直以禮進之貪殘佞諛時加屏  
黜男女怨曠務令違會稱朕意焉

欽定四庫全書

南北朝合注  
卷九十

甲午帝以旱故親薦享於太廟戊戌詔立周旦夷齊廟  
於首陽山庚子以旱故公卿以下引咎責躬又錄京師  
見囚珠死已下皆減一等鞭朴之坐悉原之秋七月丙  
子假鎮南將軍李崇大破諸蠻八月丙子假鎮南將軍  
元英破梁將馬仙埤於義陽詔洛陽令有大事聽面數  
奏乙酉元英攻拔義陽辛卯英又大破梁軍仍請三關  
丁酉封英為中山王九月詔諸州蠲停徭役不得橫有  
徵發柔然犯塞詔左僕射源懷討之冬十月乙未詔斷

羣臣白衣募吏十一月戊午詔有司依漢魏舊章營繕國學

魏書載詔曰古之哲王莫不崇建膠序開訓國胄昭宣三禮崇明四術使道暢羣邦風流萬宇自皇基徙構光宅中區軍國務殷未遑經建靜言思之有慙古烈可救有司依漢魏舊章營建國學

十二月丙子以苑牧公田分賜代遷戶已卯詔羣臣議定律令閏月癸卯朔行梁州事夏侯道遷居漢中未降

欽定四庫全書

南北史合注  
卷九十

乙丑以高陽王雍為司空是歲高麗遣使來朝貢

二年春正月丙子封宕昌世子梁彌博為宕昌王二月梁州氏蜀反絕漢中運路州刺史邢巒頻大破之

魏書靈徵書曰是年三月徐州蠶蛾食人厄殘者一百十餘人死者二十二

夏四月己未城陽王鸞薨己丑詔曰任賢明治自昔通規而中正所銓但為門第吏部彞倫乃不才舉遂使英德罕升司務多滯不精厥選將何考陟八座可審議往

代推賢之休必會才學並申資望兼致邢巒遣統軍王足西伐頻破梁諸軍遂入劍閣

魏書曰六月己丑詔錄先朝勲臣後隨才銓序又詔尚書李崇太府卿于忠散騎常侍游肇諫議大夫鄧羨俱為大使分斷外州畿內各守今咎失彰露者即使施決州鎮重職聽為表聞

秋七月戊子王足擊破梁軍因逼涪城八月壬寅詔中山王英南討襄沔冬十一月戊辰朔武興王楊紹先叔

欽定四庫全書

南北史合注  
卷九十

父集超謀反詔光祿大夫楊椿討之王足圍涪城益州諸郡戍降者十二三送編籍者五萬餘戶既而足引軍退是歲鄧至國遣使朝貢

三年春正月丁卯朔皇子昌生大赦壬申梁秦二州刺史邢巒連破氏賊尅武興秦州人王智等聚眾自號王公尋推秦州主簿呂苟兒為主年號建明己卯楊集起兄弟相率降二月丙辰詔求謹言戊午詔右衛將軍元麗討呂苟兒三月己巳以戎旅興詔停諸作己卯樂良

王長命坐殺人賜死庚寅平南將軍曲江縣公陳伯之  
自梁城南奔夏四月丁未詔罷鹽池禁五月丙寅詔以  
時澤未降春稼已旱或有孤老餓疾無贍救因以致死  
暴露溝塹者令洛陽部尉依法棺埋秋七月庚辰元麗  
大破秦賊降呂苟兒及其王公三十餘人秦涇二州平  
戊子中山王英大破梁徐州刺史王伯敷於陰陵己丑  
詔發定冀瀛相肆六州卒十萬以濟南軍八月壬寅安  
東將軍邢巒破梁將桓和於孤山諸將所在克捷兗州

欽定四庫全書

南北朝史合注  
卷九十

九

平壬戌曲赦涇秦岐梁河五州九月癸酉邢巒大破梁  
軍於宿豫徐州平己丑中山王英大破梁軍於淮南遂  
攻鍾離冬十一月甲子帝為京兆王愉清河王懌廣平  
王懷汝南王悅講孝經於武乾殿是歲高麗柔然國並  
遣使朝貢

四年夏四月戊戌鍾離大水中山王英大敗而還六月  
己丑朔詔有司準前式置國子立太學樹小學於四門  
魏書載詔曰高祖徙縣中區光宅天邑戎繕兼興未

違儒教朕思模聖規述遵先志可勅有司準訪前式  
置國子立太學樹小學於四門

秋八月己亥中山王英齊王蕭寶夤坐鍾離敗除名辛  
丑敦煌民饑詔開倉賑恤九月己未詔以徙正宮極庸  
績未酬以司空高陽王雍為太尉尚書令廣陽王嘉為  
司空百官悉進位一級庚申夏州長史曹明謀反伏誅  
甲子開斜谷舊道丙戌司州民饑詔開倉賑恤閏月甲  
午禁司馬大門不得車馬出入冬十月丁卯皇后于氏

欽定四庫全書

南北朝史合注  
卷九十

十

崩乙酉葬順皇后十一月丁未自碣石至於劍閣東西  
七千里置二十二郡尉十二月戊午詔兵士鍾離沒落  
者復一房田租三年是歲西域東夷四十餘國並遣使  
朝貢

永平元年春三月戊子皇子昌薨丙午以去年旱儉遣  
使者所在賑恤夏五月辛卯帝以旱故減膳徹懸六月  
壬申詔依洛陽舊圖修聽訟觀當與王公卿士親臨錄  
問秋七月甲午立夫人高氏為皇后乙未詔以諸獄官

羣臣白衣募吏十一月戊午詔有司依漢魏舊章營繕國學

魏書載詔曰古之哲王莫不崇建膠序開訓國書昭宣三禮崇明四術使道暢羣邦風流萬宇自皇基徙構光宅中區軍國務殷未遑經建靜言思之有慙古烈可敕有司依漢魏舊章營建國學

十二月丙子以苑牧公田分賜代遷戶己卯詔羣臣議定律令閏月癸卯朔行梁州事夏侯道遷居漢中未降

欽定四庫全書

南北朝史卷九十九

乙丑以高陽王雍為司空是歲高麗遣使來朝貢

二年春正月丙子封宕昌世子梁彌博為宕昌王二月梁州氏蜀反絕漢中運路州刺史邢巒頻大破之

魏書靈徵書曰是年三月徐州蠶蟻食人庭殘者一

百十餘人死者二十二人

夏四月己未城陽王鸞薨己丑詔曰任賢明治自昔通規而中正所銓但為門第吏部彞倫乃不才舉遂使英德罕升司務多滯不精厥選將何考陟八座可審議往

代推賢之休必會才學並申資望兼致邢巒遣統軍王足西伐頻破梁諸軍遂入劍閣

魏書曰六月己丑詔錄先朝勲臣後隨才銓序又詔尚書李崇太府卿于忠散騎常侍游肇諫議大夫鄧羨俱為大使分斷外州畿內各守令咎失彰露者即使施決州鎮重職聽為表聞

秋七月戊子王足擊破梁軍因逼涪城八月壬寅詔中山王英南討襄沔冬十一月戊辰朔武興王楊紹先叔

欽定四庫全書

南北朝史卷九十九

父集超謀反詔光祿大夫楊椿討之王足圍涪城益州諸郡戍降者十二三送編籍者五萬餘戶既而足引軍退是歲鄧至國遣使朝貢

三年春正月丁卯朔皇子昌生大赦壬申梁秦二州刺史邢巒連破氏賊尅武興秦州人王智等聚眾自號王公尋推秦州主簿呂苟兒為主年號建明己卯楊集起兄弟相率降二月丙辰詔求諱言戊午詔右衛將軍元麗討呂苟兒三月己巳以戎旅興詔停諸作己卯樂良

冬十一月甲申詔禁屠殺含孕以為永制己丑帝於式  
乾殿為諸僧朝臣講維摩詰經十二月詔五等諸侯其  
同姓者出身公正六下侯從六上伯從六下子正七上  
男正七下異族出身公從七上侯從七下伯正八上子  
正八下男從八上清修出身公從八下侯正九上伯正  
九下子從九上男從九下是歲西域東夷二十四國並  
遣使朝貢

三年春二月壬子秦州沙門劉光秀謀反州郡捕斬之

欽定四庫全書

南北史合注  
卷九十

三

癸亥秦州隴西羌殺鎮將趙儁反州軍討平之三月丙  
戌皇子訓生大赦夏四月平陽郡之禽昌襄陵二縣大  
疫自正月至此月死者二千七百三十人五月丁亥冀  
定二州旱儉詔開倉賑恤六月壬寅詔重求遺書於天  
下冬十月辛卯中山王英薨丙申詔太常立館使京畿  
內外疾病之徒咸令居處嚴勅醫署分師救療考其能  
否而行賞罰又經方浩博卒難窮究令有司集諸醫工  
惟簡精要取三十卷以班九服十二月辛巳江陽王繼

坐事除名甲申詔於青州立孝文皇帝廟殿中侍御史  
王敞謀反伏誅是歲西域東夷北狄十六國並遣使朝  
貢

四年春正月丁巳汾州劉龍駒聚眾反詔諫議大夫薛  
和討之二月壬午青齊徐兗四州民饑甚遣使賑恤三  
月壬戌司徒廣陵王嘉薨夏四月梁遣其鎮北將軍張  
稷及馬仙琕寇朐山詔徐州刺史盧昶率眾赴之五月  
己亥遷代京銅龍置天泉池西秋七月癸巳勿吉國貢

欽定四庫全書

南北史合注  
卷九十

十四

楷矢丙辰詔禁天文學冬十月朐山城陷盧昶大敗而  
還十二月壬戌朔日有蝕之是歲西域東夷北狄二十  
九國並遣使朝貢

延昌元年春正月乙巳以頻年水旱百姓饑敝分遣使  
者開倉賑恤丙辰以尚書令高肇為司徒清河王懌為  
司空三月甲午州郡十一大水詔開倉賑恤以京師穀  
貴出倉粟八千萬石以賑恤貧者己未安樂王鈐薨夏  
四月詔以旱故斷食粟之畜丁卯詔曰遷京高縣年將

加杖違制付尚書精檢以聞八月壬子朔日有蝕之癸亥冀州刺史京兆王愉據州反丁卯大赦改元九月丙戌復前中山王英本封戊戌賜太師彭城王勰死癸卯假鎮北將軍李平尅信都擒愉送京師冀州平冬十月丁巳詔復北海王詳本封葬以王禮豫州彭城人白早生殺刺史司馬悅據城南叛十二月己未尚書邢巒尅懸瓠斬早生擒梁將齊苟兒等是歲北狄東夷西域十八國並遣使朝貢高昌國王麴嘉表求內徙

欽定四庫全書

南北史合注  
卷九十

二年春正月中山王英拔梁武陽闕進攻黃坵西關皆克之涇州沙門劉慧汪聚眾反詔華州刺史奚庸生討之夏四月己酉武州鎮饑詔開倉賑恤甲子詔緣邊州鎮自今一不聽冠盜境外犯者罪同境內

魏書載詔曰聖人濟世或正或權理無恒在先廟以雲駕甫遷嵩基始構河洛民庶徒內未安伊闕西南羣蠻填聚沔陽賊城連邑作戍蠢爾愚已心未純欵故暫抑造育之仁權緩肅奸之法今京師天固與昔

不同楊荆郢益悉皆我有保險諸蠻罔不歸附商洛民情誠倍往日唯襄懋已南仁乖道政被拘隔化非民之咎而無賴之徒輕相劫掠屠害良善雖人父兄便可放彼掠民示其大惠捨此殘賊未今之愆并勅緣邊州鎮自今以後不聽緣邊冠盜犯者罪同境內若州鎮諸將知容不糾坐之如律

欽定四庫全書

南北史合注  
卷九十

五月辛丑帝以旱故減膳徹懸禁斷屠殺甲辰幸華林都亭錄囚徒死罪以下降一等六月辛亥詔曰江海方同車書宜一諸州軌輟南北不等今可申敕四方遠近無二秋八月丙午朔日有蝕之戊申以鄧至國世子像覽蹄為其國王九月辛巳封故北海王子顥為北海王壬午詔定諸門閹名冬十月以廣陽王嘉為司徒庚午郢州獻七寶牀詔不納

冊府元龜曰郢州刺史韓務獻七寶牀象牙白席詔曰晉武却雉頭裘服朕嘗嘉之今務所獻亦此類也奇麗之物有乖佩素可付其家人

咎朕甚懼焉可恤癘寬刑以答災譴夏四月青州民饑  
辛巳開倉賑恤乙巳帝御申訟車親理冤訟秋八月甲  
申帝臨朝堂考百司而加黜陟冬十一月辛亥詔司徒  
高肇為大將軍平蜀大都督率十五萬步騎西伐益州  
丁巳幽州沙門劉僧紹聚眾反自號淨居國明法王州  
郡捕斬之十二月庚寅詔立明堂是歲東夷西域八國  
並遣使朝貢

四年春正月甲寅帝不豫丁巳崩於式乾殿時年三十

欽定四庫全書

南北朝合注  
卷九十

三

金石錄云魏書載宣武以太和七年生景明四年帝  
年二十而御射碑言年十七當以碑為據然則宣武  
終於延昌四年蓋三十五歲而史以為三十三誤

二月甲戌朔上諡曰宣武皇帝廟號世宗甲午葬景陵  
帝幼有大度喜怒不形於色雅性儉素初孝文欲觀諸  
子志尚大陳寶物任其所取京兆王愉等皆競取珍玩  
帝惟取骨如意而已孝文大奇之及庶人恂失德孝文

謂彭城王勰曰吾固疑此兒有非常志相今果然矣乃  
見立為儲貳雅愛經史尤精釋義每至講論終夜忘疲  
善風儀美容貌臨朝深嘿端嚴若神有人君之量矣

肅宗孝明皇帝諱詡宣武皇帝第二子母胡充華永平  
三年三月丙戌生於宣光殿之東北有光昭於庭中延  
昌元年十月乙亥立為皇太子四年正月丁巳宣武帝  
崩是夜太子即皇帝位戊午大赦己未徵下西討東防

欽定四庫全書

南北朝合注  
卷九十

諸軍庚申詔太保高陽王雍入居西柏堂決庶政以任  
城王澄為尚書令百官總己以聽二王二月庚辰尊皇

后高氏為皇太后辛巳司徒高肇至京師以罪賜死癸  
未進太保高陽王雍為太傅領太尉以司空清河王懌  
為司徒以驃騎大將軍廣平王懷為司空乙亥尊胡充  
華為皇太妃三月甲辰朔皇太后出俗為尼徙御金墉  
城丙辰詔進宮臣位一級己丑詔進文武羣官位一級夏  
六月沙門法慶聚眾反於冀州殺阜城令自號大乘秋  
八月乙亥領軍于忠矯詔殺左僕射郭祚尚書裴植免

大傅高陽王雍官以王還第丙子尊皇太妃為皇太后  
戊子帝朝太后於宣光殿大赦己丑進司徒清河王懌  
為太傅領太尉以司空廣平王懷為太保領司徒任城  
王澄為司空庚寅以車騎大將軍于忠為尚書令特進  
崔光為車騎大將軍並儀同三司壬辰復江陽王繼本  
國復濟南王或先封為臨淮王羣臣奏請皇太后臨朝  
稱制九月乙巳皇太后親覽萬幾甲寅征西大將軍元  
遙破斬法慶傳首京師安定王燮薨冬十月庚午朔勿

欽定四庫全書

南北史合注  
卷九十

九

吉國貢楷夫乙酉以安定公胡國珍為中書監儀同三  
司辛丑以高陽王雍為太師乙酉鎮南將軍崔亮破梁  
將趙祖悅軍遂圍硤石丁卯帝皇太后謁景陵是歲東  
夷西域北狄十八國並遣使朝貢  
熙平元年春正月戊辰朔大赦改元荆沔都督元志大  
破梁軍以吏部尚書李平為台節度討硤石諸軍三月  
乙巳鎮東將軍蕭寶夤大破梁將於淮北癸亥初聽秀  
才對策第中上以上敎之乙丑鎮南崔亮鎮東李平等

尅硤石斬趙祖悅傳首京師盡俘其眾三月戊辰朔日  
有蝕之夏四月戊戌以瀛州民饑開倉賑恤五月丁卯  
朔以炎旱明鑿察獄訟權停作役庚午詔放華林野獸  
於山澤秋七月庚午重申殺牛禁

冊府元龜曰是年詔遣沙門惠生使西域採諸經律  
時帝於城內大社西起永寧寺太后親率百寮表基  
立制佛圖九層高四十餘丈費用不可勝記  
八月丙午詔古帝諸陵四面各五十步勿聽耕稼

欽定四庫全書

南北史合注  
卷九十

十

魏書載詔曰先賢列聖仁風盛德煥乎圖史暨歷數  
永終陵隧杳藹鞠為茂草古帝諸陵多見踐踏明敕  
所在諸有帝王墳陵四面各五十步勿聽耕稼  
九月丁丑淮堰破梁緣淮城戍村落十餘萬口皆漂入  
海是歲吐谷渾宕昌鄯至高昌陰平等國並遣使朝貢  
二年春正月大乘餘賊復相聚攻瀛州刺史宇文福討  
平之甲戌大赦庚寅詔遣大使巡行四方問疾苦恤孤  
寡黜陟幽明二月丁未封御史中尉元匡為東平王三

月丁亥大保領司徒廣平王懷薨

魏書禮志載是月詔以太武皇帝神武纂業克清禍亂可配南郊孝文皇帝惟新魏道刑措勝殘宜配明

堂

夏四月丁酉詔京尹所統年高者板賜郡各有差戊申以開府儀同三司胡國珍為司徒乙卯皇太后幸伊闕石窟寺即日還宮改封安定王起為北平王五月

魏書詔曰揚硤石荆山新淮郡城兵士戰沒者追給

欽定四庫全書

南北史合注  
卷九十

五

斂財復一房五年若無妻子復其家人二年身被三

瘡賞一階雖一瘡而四體廢落者一同此賞

庚辰重申天文禁犯者以大辟論秋七月乙亥儀同三司汝南王悅坐殺人免官以王還第己巳享太廟八月

戊戌宴道武以己宗室年十五以上於顯陽殿申家人

禮

冊府元龜載詔曰皇魏開基帝崩繁衍親賢並茂而猶沈屈素里曲褐衡門何以翼屏王室今可依世近

序之列位

己亥詔庶族子弟年未十五不聽入仕庚子詔咸陽京兆二王子女還附屬籍

冊府元龜載詔曰周德崇厚蔡仲享國漢道仁恕淮南畢王皆所以申恩赦咸蠲蓋舊蒙義彰曩策詠流前史咸陽京兆兩門諸子並可聽附屬籍

丁未詔太師高陽王雍入居門下參決尚書奏事丙寅詔自今月望當出城闕觀納滯枉冬十月以幽翼滄瀛

欽定四庫全書

南北史合注  
卷九十

五

光五州饑遣使巡撫開倉賑恤丁酉年呂國貢楛矢

魏書載乙卯詔曰北京根舊帝業所基南遷二紀猶

有留住懷本樂故未能自違若未遷者悉可聽其仍停安堵永業門才術藝應於時求者自別徵引不在

斯例周之子孫漢之列族徧於海內豈拘南北千里

而已哉 魏書靈徵志載十一月己未并州表送祁

縣民韓僧真女令姬從母右脇生胡太后詔付掖庭是歲東夷西域氏羌等十一國並遣使朝貢

神龜元年春正月甲子詔以氏苻楊定為陰平王壬申

詔給京畿老人板郡縣各有差及賜鰥寡孤獨粟帛庚

辰詔以雜役戶或冒入清流所在職人皆令五人相保

無人任保者奪官還役乙酉秦州羌反幽州大饑死者

三千七百九十人詔刺史開倉賑恤二月己酉詔以神

龜表瑞大赦改元東益州氏反三月南秦州氏反夏四

月丁酉司徒胡國珍薨甲辰改封江陽王繼為京兆王

六月自正月不雨是月辛卯澍雨乃降秋七月河州人

欽定四庫全書

南北朝史合注  
卷九十

却鐵忽聚眾反自稱水池王閏月甲辰開恒州銀山禁

八月癸丑朔詔京師見囚殊死以下悉減一等

魏書載丁巳詔曰頃年以來戎車頻動服制未終奪

哀從役固極之痛弗申鞠育之恩靡報非所謂敦崇

至道者也自今雖金革之事皆不得請起居喪

甲子却鐵忽詣行臺源之恭降九月戊申皇太后弒故

皇太后高氏於瑤光寺冬十月丁卯以尼禮葬芒山十

二月辛未詔曰民生有終下歸兆域京邑隱賑口盈億

萬貴賤攸憑未有定所今制乾脯山以西擬為九原是  
歲東夷西域北狄十一國並遣使朝貢

二月春正月辛巳朔日有蝕之丁亥詔曰皇太后撫謙

自居稱號弗備宜遵舊典稱詔宇內以副元元之望是

月改葬文昭皇太后高氏

魏書禮儀志載胡太后與服總既葬而除

二月乙丑齊郡王祐薨庚午羽林千餘人焚征西將軍

張彘第毆傷彘焚殺其子均乙亥大赦丁丑詔求直言

欽定四庫全書

南北朝史合注  
卷九十

壬寅詔以旱故命依舊雩祈察理冤獄掩骼賑窮

恤寡三月甲辰澍雨大洽夏五月戊戌以司空任城王

澄為司徒京兆王繼為司空秋八月乙未御史中尉東

平王匡坐事削除官爵九月庚寅皇太后幸嵩高山癸

巳還宮冬十二月癸丑司徒任城王澄薨庚申大赦詔

除淫祀焚諸雜神是歲吐谷渾宕昌獫狁等國並遣使

朝貢

正光元年春正月乙亥朔日有蝕之